

Brocelianda

Cume un' arca d'u legnu u più scuru
Catedrale di quarci centenari
Viaghjatore qui, piantati puru
A u reame d'i guardiani stantari
Qui, musiche sò cume vadine
Tutt' e pazzie citadine
Ci s'anniganu in sarabanda
Qui balla Brocelianda

Lu ventu ci fischja a so cantata
Berculendu dragoni addurmentati
Qui vanu i fuletti cùn qualchi fata
Sò guardiani di tesori piattati
Qui in lu s'agrottu di granitu
Merlinu sta insunulitu
U silenziu solu cumanda
Qui dorme Brocelianda

Si dice chi qui ribomba u cantu
Di qualchi battaglia antica via via
Qualchi volta si, cum'un incantu
Avalon si svela, meraviglia
Tandu, in le mente stendenu l'ale
Isse prudezze immemuriale
Chì l'imaginariu dumanda
Qui vegħja Brocelianda

Noi disciteremu 'ssa memoria
Assenta d'i libri di storia
Eccu u segnu ch'ella ci manda
Qui campa Brocelianda